

宣和遺事

說庫

第二十冊

Blank label at the top of the page.



Blank label on the right side of the page.



Blank label at the bottom left of the page.

宣和元年正月朔旦朝見景靈宮中。見聖祖神像有淚。守廟官吏聞廟內常有哭聲。一日神宗皇帝廟室便殿有博出血。隨掃又出數日方止。是時蔡京等方事諛佞。有此異事。皆不敢聞奏於上。而徽宗驕奢之行愈肆矣。

宣和二年三月詔改佛號為大覺金仙。餘為仙人。大士僧稱德士。行稱德童。而冠服之以寺院為觀。改女冠為女道士。尼為女德。明年金山寺有僧頂上擁出肉冠。長肉鬚髯。端坐而化。朝廷聞之。詔復舊人。○金遣使李善慶來詔蔡京童貫及鄧文誥見之。諭以夾攻取燕之意。李善慶唯唯。居十餘日。遣趙有開馬政賁詔及禮物。同善慶等度海聘之。又詔余深為太宰。王黼為少宰。夏五月。有物若龍。長六七尺。蒼鱗黑色。驢首兩頰如魚頭。色綠。頂有角。其聲如牛。見於開封縣茶肆前。時茶肆人早起拂拭牀榻。見有物若大犬。躡其傍熟視之。乃是龍也。其人喫驚。倒卧在地。茶肆與軍器作坊相近。遂被作坊軍人得知。殺龍而食之。是夕五鼓西北有赤氣數十道衝天。仰視北斗星。若隔絳紗。其中有間以白黑二氣。及時有折裂聲。震如雷。未幾霖雨大作。水高十餘丈。犯都城已破汴隄。諸內侍役夫擔草運土障之。不能禦。徽宗詔戶部侍郎唐恪治之。即日恪乘小舟覽水之勢。而求所以導之上。登樓遙見問之。乃恪也。為之

出涕數日。水平。恪入對。上勞之曰。宗廟社稷獲安。卿之功也。唐恪因回奏。水乃陰類。陰氣之盛。以至犯城闕。願陛下垂意於馭臣。遠女寵。去小人。備夷狄。以益謹天戒。徽宗嘉納之。

秋九月。宴蔡京父子於保和新殿。京等請見安妃。帝許之。京作記以進。其略曰。皇帝召臣京臣攸等。燕保和新殿。臣僚臣脩臣倅臣行臣徽臣術侍賜食文字庫。於是。由臨華殿門入。侍班東曲水。朝於玉華殿。上步至西曲水。循酴蘂洞。至太寧閣。登層巒。琳霄寒風乘雲亭。至保和屋三楹。時落成於八月。而高竹崇檜已森。陰翳鬱中。楹置御榻。東西二間。列寶玩與古鼎彝玉芝。左挾閣曰妙有。右挾閣曰宣道。上御步前行。至稽古閣。有宣王石鼓。歷邃古尚古鑑古作古訪古博古秘古諸閣。上親指示為言。其概抵玉林軒。過宣和殿。列岫軒。太真閣。凝真殿。殿東崇岩峭壁高百尺。林壑茂密。倍於昔見。過翹翠燕處閣。賜茶。全真殿乃出。瓊林殿中。使傳旨留題。乃題曰。

瓊瑤錯落密成林

檜竹交加午有陰

詩曰

恩許塵凡時縱步

不知身在五雲深

頃之就坐。女童樂作。坐間香圓荔子黃橙金柑相間布列。前後命鄧文誥剖橙分賜。

酒五行少休詔至玉真軒。軒在保和殿西南廡。即安妃妝閣。上吟詩二句云。

雅燕酒酣添逸興

玉真軒內見安妃

命中官傳旨詔蔡京賡補京。即題云。保和新殿麗秋暉。詔許麀凡到綺闌。遂成詩云。

詩曰

保和新殿麗秋暉

詔許麀凡到綺闌

雅燕酒酣添逸興

玉真軒內見安妃

於是人人自謂得見安妃。既而但挂畫像西垣。臣即以詩奏曰。

詩曰

玉真軒檻暖如春

即見丹青未見人

月裏嫦娥終有恨

鑑中姑射未應真

中使傳旨至玉華閣。帝持曰。因卿有詩。姻家自應相見。臣曰。葭芽已得拜望。故敢以詩請上大笑。上持大觥酌酒命妃曰。可勸太師。臣因進曰。禮無不報。於是持瓶注酒授使。以進。再去撤女童去羯鼓。御侍細樂作。蘭陵王揚州教水調。勸酬交錯。日且暮矣。京奏曰。久勤聖躬。不敢安。徽宗曰。不醉無歸。更勸迭進酒行無算。至二鼓五籌。君臣大醉而罷。京出謂人曰。保和殿後自崢峒天入八閤。所陳之物左右上下皆琉璃之器。在後二帝北狩。果符此流離之識。非偶然也。劉屏山曾有詩記汴京遺事云。

空嗟覆鼎誤前朝

骨朽人間罵未銷

詩曰

夜月池臺王傅宅

春風楊柳太師橋

王傅指王黼太師指蔡京父子也

冬十月徽宗幸道德院觀金芝遂幸蔡京第時道德宮生金芝上幸觀焉遂由龍德江泛舟至京第鳴鑾記堂淑妃從上曰今歲四幸鳴鑾矣賜京酒於是京作鳴鑾記以進初京侍上每進君臣相悅之說於是以倖尚主而攸最親幸上時輕車小輦幸京第命坐賜酒略用家人禮表謝有云主婦上壽請酬而肯從稚子牽衣挽留而不却

蔡京常勸徽宗道人主當以四海為家太平為娛歲月幾何何必自苦上納其言遂易服私行都市○上方為期門之事故苑囿皆倣江浙為白屋不施五采多為村居野店及聚珍禽異獸動數千百以實其中都下每秋風夜靜禽獸之聲四徹宛若山林陂澤之間識者以為不祥蔡攸進見無時便辟趨走或塗抹青紅優雜侏儒多道市井淫嫖譴浪之語以蠱上心妻朱氏出入禁省是秋蔡攸加開府攸子行領殿中監攸之父子為徽宗寵信勢傾朝野矣當時李邦彥以次相阿附每燕飲則自為

倡優之事雜以市井談諧以為笑樂人呼李邦彥做浪子宰相一日侍宴先將生絹畫成龍文貼體將呈伎藝則裸其衣宣示文身時出狎語上舉杖欲笞之則緣木而避中宮自內望見諭旨云可以下來了邦彥答道黃鶯偷眼覷不敢下枝來中宮乃歎曰宰相如此怎能治天下耶十一月朱勔以花石綱媚徽宗東南騷動有太學生鄧肅上十詩譏諷徽宗其末詩云

靈臺靈園庶民攻

樂意充周百姓同

詩曰

但願君王安百姓

園中何日不春風

蔡京將詩獻徽宗欲激徽宗殺鄧肅謂太學生詩文以謗陛下若不殺之恐效尤成風黨錮之禍可鑒也帝不答將鄧肅押歸田里蓋欲保全之也

宣和二年金國遣使同趙良嗣歸且言金主約女真兵自平地松林起古北江宋朝兵自白溝河夾攻遼國若滅後以燕京一帶歸南朝誓為兄弟之國又遣使詐作新羅人來朝其書略曰

大金皇帝謹致書於大宋皇帝闕下蓋緣素昧未致禮容酌以權宜交馳使傳趙良嗣等言燕京本是漢地若許復舊將自來與契丹銀絹轉交雖無國信諒不妄

言若將來貴朝不為夾攻即不依得已許為定具形弊幅冀諒鄙悰。

帝命馬政使金國書其略曰。

大宋皇帝謹致書於大金皇帝遠乘信介特示函書致罰契丹。逃聞為慰確示同心之好。共圖問罪之師。誠意不渝。義當如約。已差童貫勒兵相應彼此兵不得過關。歲幣依契丹舊數。仍約毋聽契丹講和。

又差馬政之子馬廣從行。冬十月日食。加梁師成太尉王黼為太宰。時方臘

家有漆園常為造作局多所科須諸縣民受其苦。兩浙兼為花石綱之擾臘以妖術誘之數日之間嘯聚睦州青溪幫源洞響聚者數萬人以誅朱勔為名縱火大掠驅其黨四出兩浙都監蔡遵顏坦擊賊敗死遂陷睦州於是壽昌分水桐廬等縣皆為賊所據僭號改元永樂又陷休寧縣執知縣趙嗣復賊復脅之使降面斬二士以恐嗣復嗣復罵賊曰自古妖賊無長久者爾當捨逆以從順因我以歸朝廷朝廷必宥爾奈何使我降賊何不速殺我賊曰我休寧人也公宰邑有善政前後官無及公者我忍殺公乎遂委之而去未幾詔命嗣復知睦州進官二等陷歙州將官三師中士曹拯等禦賊遇害陷杭州守臣趙震遁去廉訪趙約戰死王稟敗於城外又敗於桐

廬陷衢州彭汝方死之陷劫掠州縣雲尉詹良臣禦賊為賊所執脅良臣降良臣罵曰往年王綸反戮於淮南王則反磔於河北同惡無少長皆棄市今不鑒前禍猖獗至此旦暮官軍至爾肉餒狗鼠矣賊怒割其肉使自啗之且吐且罵死不絕聲時年七十帝聞而憫之官其二子陷剡縣知縣未族死之犯越州守臣劉黼敗之青溪縣知縣陳光棄邑遁聞朝廷誅之又宋江等犯京西河北等州劫掠子女金帛殺人甚衆□□初命譚稹收方臘幾月無功復命童貫討之上私行送上握貫手曰東南事盡付汝有不得已者竟以御筆書之赦天下罷蘇杭造作局二州置局造作器用曲盡其巧牙角犀玉金銀竹藤裝畫糊抹雕刻織繡諸色匠人日役數千而財物所須悉科於民民力重困上嘗罷之至是方臘亂於浙西悉詔罷之三月日有青黑無光其中洶洶而動若鉦金而湧沸狀日旁有青黑正如水波周回旋轉將暮而稍止是時方臘未平人多憂之童貫至浙與王稟劉鎮兩路軍先約會於睦歙間包幫源洞表裏夾攻劉鎮又同楊可世馬公直率騎兵從間奪賊關嶺平旦入洞賊二十餘萬衆腹背抗拒轉戰至晚兇徒糜爛流血丹地火其屋萬間王稟及辛嗣宗楊惟忠生擒方臘於幫源山東北隅石澗中并其妻孥兄弟偽相王侯共三十九人乃班

師奏捷於朝。方臘反叛以來。破六州五十二縣。殺平民二百餘萬。朝廷出師討臘。至擒臘班師。凡四百五十日。方臘至八月始伏誅。赦江淮兩浙等路。改睦歙二州為嚴州徽州。五月金使來復如前議。六月黃河決。恩州有黑青。出洛陽。京畿忽有物如人或如犬。其色黑。不能辨眉目。夜出掠小兒食之。至二秋乃息。八月童貫進太師。譚稹加節度。

宣和四年春正月。加梁師成開府。自來喚內侍官。為宗臣。是時童貫為太師。領樞密院。恩同宰相。師成為開府。亦與宰相同職。每春秋大燕。巍然坐於執政之上。與人主講勸酬之禮。且家臣為師傅。於義尤恃。童貫領樞密。日欲宰相同班。後入內。却換易窄衫。與羣閹為伍。出則為大臣。當體貌之禮。入則為近侍。執使令之役。古所未見也。夏四月。命童貫蔡攸帥師巡邊。貫出郊。徽宗易服出郊。與童貫蔡攸餞行。五月。童貫兵與遼人戰。敗退保雄州。九月。金使期會兵於中康。先是朱勔運花石綱時。分差著楊志李進義林冲王雄花榮柴進張青徐寧李應穆橫關勝孫立十二人為指使。前往太湖等處。押人夫搬運花石。那十二人領了文字。結義為兄弟。並有灾厄。各相救援。李進義等十名。運花石已到京城。只有楊志為在潁州等候。孫立不來。在彼處。

阻雪那雪景如何 却是

亂飄僧舍茶烟濕

密灑歌樓酒力微

那楊志為等孫立不來又值雪天旅塗貧困缺少果足未免將一口寶刀出市貨賣終日價没人商量行至日晡過一箇惡少後生要買寶刀兩箇交口廝爭那後生被楊志揮刀一斫只見頭隨刀落楊志上了枷取了招狀送獄推勘結案申奏文字回來太守判道

楊志事體雖大情實可憫將楊志誥割出身盡行燒毀配衛州軍城

斷罷差兩人防送往衛州交管正行次撞著一漢高叫楊指使楊志擡頭一觀却認得是孫立指使孫立驚怪哥怎生恁地犯罪楊志把那賣刀殺人的事一一說與孫立道罷各人自去那孫立心中思忖楊志因等候我了犯著這罪當初結義之時誓有厄難相救只得星夜奔歸京城報與李進義等知道楊志犯罪因由這李進義同孫立商議兄弟十一人往黃河岸上等待楊志過來將防送軍人殺了同往太行山落草為寇去也是年正是宣和二年五月有北京留守梁師寶將十萬貫金珠珍寶奇巧足段差縣尉馬安國一行人擔奔至京師趕六月初一日為蔡太師上壽其馬

縣尉一行人行到五花營隄上田地裏見路傍垂楊掩映修竹蕭森未免在彼歇涼片時撞著有八箇大漢擔得一對酒桶也來隄上歇涼靠歇了馬縣尉問那漢你酒是賣的那漢道我酒味清香滑辣最能解暑薦涼官人試置些飲馬縣尉方為飢渴瘦困買了兩瓶令一行人都喫些箇未喫酒時萬事俱休纔喫酒後便覺眼花頭暈看見天在下地在上都麻倒了不省人事籠內金珠寶貝足段等物盡被那八箇大漢劫去了只把一對酒桶撇下了直至中夜馬縣尉等醒來不見了那擔仗只見酒桶撇在那一壁廂未免令隨行人挑著酒桶奔過南洛縣見了知縣尹大諒告說上件事因尹知縣令司吏辨認酒桶是誰人動使便可尋覓賊踪把那酒桶辨驗見上面有酒海花家四字分曉當有捉事人王平到五花營前村見酒桶上寫著酒海花家四字王平直入酒店將那姓花名約的拿了付吏張大年勘問因由花約依實供吐道三日前日午時分有八箇大漢來我家裏喫酒道是往嶽廟燒香問我借一對酒桶就買些箇酒去燒香張大年問那八箇大漢你認得姓名麼花約道為頭的是鄆城縣石碣村住姓晁名蓋人號喚他做鐵天王帶領得吳加亮劉唐秦明阮進阮通阮小七燕青等張大年令花約供指了文字將召保知在行著文字下鄆城縣根

捉有那押司宋江接了文字看了。星夜走去石碣村報與晁蓋。幾箇暮夜逃去也。宋江天曉却將文字呈押差董平引手三十人至石碣村根捕。不知那董平還捉得晁蓋一行人麼。真箇是

網羅未設禽先遁

機穽纔張虎已藏

那晁蓋一行人星夜走了。不知去向。董平只得將晁家莊圍了。突入莊中。把晁蓋的父親晁太公縛了。管押解官。行至中途。遇著一箇大漢。身材迭料。偏體雕青。手內使柄潑鏑鐵大刀。自稱鐵天王。把晁太公搶去。董平領取弓手回縣。離不得遭斷喫棒。且說那晁蓋八箇劫了蔡太師生日禮物。不是尋常小可公事。不免邀約楊志等十人。共有二十箇結為兄弟。前往太行山梁山濶去落草為寇。一日思念宋押司相救恩義。密地使劉唐將帶金釵一對。去酬謝宋江。宋江接了金釵。不合把與那娼妓閻婆惜收了。爭奈機事不密。被閻婆惜知得來歷。忽一日宋江父親有病。遣人來報宋江。告官給假歸家省親。在路上撞著杜十張岑兩箇。是舊時知識。在河次捕魚。為生。偶留得一大漢。姓索名超的。在彼飲酒。又有董平為捕捉晁蓋。不獲。受了幾頓麁棍限棒。也將身在逃。恰與宋押司途中相會。是時索超道。小人做了幾項歹的勾當。

不得已而落草。宋江寫著書。送這四人去梁山。梁尋著晁蓋去也。宋江回家醫治父親病。再往鄆城縣公叅勾當。却見故人閻婆惜。又與吳偉打暖。更不睬著。宋江一見了吳偉。兩箇正在偎倚。便一條忿氣。怒髮衝冠。將起一柄刀。把閻婆惜吳偉兩箇殺了。就壁上寫了四句詩。道是

殺了閻婆惜

囊中顯姓名

詩曰

要捉兇身者

梁山梁上尋

是時鄆城縣官司得知帖。巡檢王成領大兵弓手前去宋公莊上捉宋江。爭奈宋江已走在屋後。九天玄女廟裏禱了。那王成根捕不獲。只將宋江的父親拿去。宋江見官兵已退。走出廟來。拜謝玄女娘娘。則見香案上一聲響亮。打一看時。有一卷文書在上。宋江纔展開看了。認得是箇天書。又寫著三十六箇姓名。又題著四句道

破國因山不

兵刀用水工

詩曰

一朝充將領

海內聳威風

宋江讀了。口中不說。心下思量。這四句分明是說了我裏姓名。又把開天書一卷仔細看觀。見有三十六將的姓名。那三十六人道箇甚底。

智多星吳加亮

玉麒麟李進義

青面獸楊志

混江龍李海

九紋龍史進

入雲龍公孫勝

浪裏白條張順

霹靂火秦明

活閻羅阮小七

立地太歲阮小五

短命二郎阮進

大刀關必勝

豹子頭林冲

黑旋風李逵

小旋風柴進

金鎗手徐寧

撲天鵬李應

赤髮鬼劉唐

一撞直董平

插翅虎雷橫

美髯公朱同

神行太保戴宗

賽關索王雄

病尉遲孫立

小李廣花榮

沒羽箭張青

沒遮攔穆橫

浪子燕青

花和尚魯智深

行者武松

鐵鞭呼延綽

急先鋒索超

拚命三郎石秀

火船工張岑

摸著雲杜十

鐵天王晁蓋

宋江看了人名。末後有一行字寫道：天書付天罡院三十六員猛將，使呼保義宋江為帥，廣行忠義，殄滅姦邪。宋江看了姓名，見梁山濤上見有二十四人和俺共二十

五人。宋江為此只得帶領得朱同雷橫李逵戴宗李海等九人直奔梁山。灤上尋那哥哥晁蓋。及到梁山灤上時分。晁蓋已死。又是以次人。吳加亮李進義兩人做落草強人首領。見宋江帶得九人來。吳加亮等不勝歡喜。宋江把那天書說與吳加亮等。道了一遍。吳加亮和那幾箇弟兄共推讓宋江做强人首領。寨上元有二十四人死了。晁蓋一箇只有二十三人。又有宋江領至九人。便成三十二人了。當日殺牛大會。抱天書點名。只少了四人。那時吳加亮向宋江道。是哥哥晁蓋臨終時分。道與俺他從正和年間。朝東嶽燒香。得一夢。見寨上會中。合得三十六數。若果應數。須是助行忠義。衛護國家。吳加亮說罷。宋江道。今會中只少了三人。那三人是

花和尚魯智深

一丈青張橫

鐵鞭呼延綽

是時筵會已散。各人統率強人。略州劫縣。放火殺人。攻奪淮陽京西河北三路。二十四州八十餘縣。劫掠子女玉帛。擄掠甚眾。朝廷命呼延綽為將。統兵投降海賊李橫等。出師收捕宋江等。屢戰屢敗。朝廷督責嚴切。其呼延綽却帶領得李橫反叛朝廷。亦來投宋江為寇。那時有僧人魯智深反叛。亦來投奔宋江。這三人來後。恰好是三十六人數足。一日宋江與吳加亮商量。俺三十六員猛將。竝已登數。休要忘了東嶽

保護之恩。須索去燒香賽還心願。則箇擇日起行。宋江題了四句放旗上道。

詩曰

來時三十六

去後十八雙

若還少一箇

定是不歸鄉

宋江統率三十六將往朝東嶽。賽取金爐心願。朝廷不奈何。只得出榜招諭宋江等。有那元帥姓張名叔夜。的是世代將門之子。前來招誘宋江。和那三十六人歸順。宋朝各受武功大夫。誥敕分注諸路巡檢使去也。因此三路之寇悉得平定。後遣宋江收方臘有功。封節度使。

宣和五年七月初一日。昧爽文武百官聚集於宮省。等候天子設朝。須臾香毬撥轉。簾捲扇開。但見明堂坐天子。月朔朝諸侯。淨鞭三下響。文武兩班齊。皇帝駕坐不多時。有殿頭官身穿紫窄衫。腰繫金銅帶。踏著金階。口傳聖敕道。有事但奏。無事捲班。言未絕。見一人出離班部。倒笏躬身。口稱萬歲萬歲。誠惶誠恐。頓首頓首。死罪臣有表章拜奏。天子覽罷。驚說得汗流龍體。半晌如呆。覷著蔡京道。卿這是如何道。甚來。

錦宮樓閣漫金碧

一旦青青荆棘生

奏者是誰。乃司天大監張夢熊上表奏著其事。皇帝直恁地怕懼。表云誠惶誠恐。頓